

## SUL CYFFREDIN 26

JOSUA 3:7-17; SALM 107:1-7, 33-37;  
1 THESSALONIAID 2:9-13; MATHEW 23:1-12

---

---

### ● Gweddi agoriadol

Dduw hollgariadus,  
down ynghyd i addoli  
a chymdeithasu  
yn blant i ti,  
i gyhoeddi dy ogoniant  
yn y lle cysegredig hwn,  
a cherdded gyda thi  
ble bynnag y cawn ein harwain.

### ● Moliant

I ti, Arglwydd, dygwn  
ein hoffrwm moliant,  
i'r un sy'n clywed cri'r bobl,  
sy'n dwyn rhyddhad  
o gaethiwed,  
ac achubiaeth  
o'r llefydd anial,  
sy'n dwyn o'r tir sych  
ddŵr bywiol,  
cynhaef llawnder  
a geni newydd.  
I ti, Arglwydd,  
dygwn ein hoffrwm moliant.

● **Cyffes**

Maddau i ni, Arglwydd,  
pan fydd balchder  
yn fwy amlwg  
na gostyngeiddrwydd;  
ymddangosiad  
yn bwysicach  
na sylwedd;  
a ffydd  
yn cael ei gosod y tu ôl  
i opiniwn.

Atgoffa ni yn aml  
y byddai Iesu  
yn byw i roi gogoniant  
i ti,  
dioddef a marw  
drosom ni,  
ac atgyfodi  
er mwyn i ni gael bywyd  
yn ei holl lawnder.

● **Diolch**

Diolch i ti am y bobl anweledig,  
sy'n byw eu bywyd Cristnogol  
mewn ffyrdd tawel a gwylaidd,  
sy'n teimlo dros eraill,  
sy'n ymarfer lletygarwch,  
yn gofalu am yr anghenus,  
yn ffrindiau i'r unig,  
yn cynnig anogaeth,  
sy'n ddibynadwy,  
a chanddynt amser i wrando  
ac amser i weddio.

Diolch i ti am y bobl anweledig,  
heb eu cydnabod yn aml,  
y byddai dy deyrnas  
yn anghyflawn hebddynt.